

Təkəŋwanə ŋga ləkələkətə ŋga Yoohana

Wabənə agyanə Əndətə ca vii əpinə

¹ Waniinə ca naahə koonə agyanə Əndətə ca vii əpinə ka ənja. Ma ca, wabənə ŋga Əntaŋfə nə ci. Daga Əntaŋfə ma'ə matagamə duuniya nə ci. Kə fii inə wabənəkii, kə nee inə ka ci də giniinə, kə caamiinə tə ci də giniinə, ina tabətə tə ci də ciiniinə əsə.

² Ma əpiitə ci wabənəkii a vii, kə baarəgi Əntaŋfə keenə. Kə nee inə ka əpinəkii əsə, kə seedii inə, ina waaza koonə agyanəkii, waatoo, əpinə ŋga ca'ə ndəŋwə ndəŋwə. Daga ka 'watəginə nə tii ka ha rəŋwə da Dii, Əntaŋfə Dii a baarəgi keenə tə ci. *

³ Ma sətə nee inə, fii inə də limiinə əsə, ci ciina waaza koonə noonə əsə, koonə ləbə deenə, ədzəmaamə a ndzaanə ka hakii agi ləbəənə ləbiinə da Dəsənaamə da Uuzənaakii Yeesu *Aləmasiihu.

⁴ Ma ciina naahə koonə wabəətsa, kaama dā moodasəkə ka shaŋə.

Ndzaanə agi macamə ha

⁵ Wiinə wabənə fii inə da ma *Uuzənə ŋga Əntaŋfə, ənə ciina ba koonə oo'i, camə saakii nə

1:1 1.1 2.13-14; Yooh. 1.1-2,14; 4.14; 6.35; 8.12; 11.25. * **1:2 1.2**
seedanə: Yooh. 15.27. **1:4 1.4** Yooh. 15.11.

Əntanƣə, pooshi uushi təkunə təkunə ashikii taa gi'u.

⁶ Madə kə bii amə oo'i, maləbəkii naamə da Əntanƣə, amma ama dzə aakəŋwa də ɗa slənə ŋga təkunə, ci nə kə dii amə ka majirakinə ətsə agi wabənə gaamə da slənə gaamə.

⁷ Amma, mada agi da slənə ŋga camənə naamə, makə sətə dii Əntanƣə agi camənə, də ha'ə ndzaanaamə maləbəkii, amə patə. Idənə ŋga Yeesu Uuzənaakii əsə a laabagi taamə agi patənə ŋga 'waslyakəənə gaamə.

⁸ Madə kə bii amə, pooshi 'waslyakəənə ashaamə, kə ha'waamə də naamə na. Pooshi goonƣa ashaamə shaŋə əsə.

⁹ Madə kə baabagyaamə 'waslyakəənə gaamə ka Əntanƣə, ka tifyaginə nə ci kaamə, ca laabagi taamə agi ghatə goonƣaanə gaamə patə. Aci, ma ca, sətə bii ci patə, ka mbu'utəginə nə ci, əndə goonƣa nə ci əsə.

¹⁰ Madə kə bii amə, madamaamə 'waslyakəənə, ci nə kə zhi'wee amə ka Əntanƣə ka majiraka. Pooshi wabənaakii a ədzəmaamə əsə.

2

*Yeesu *Aləmasiihu nə Matsakə taamə*

¹ 'Ya'ə manjeevənaakya, ma cii kya naahə koonə wabəətsə ha'ə, acii goona dii 'waslyakəənə. Amma, maa kə dii əndə 'waslyakəənə, tə'i əndə ca kədii ka madəbama

gaamə abii Dəsənaamə, waatoo, Yeesu Aləmasiihu əndə gooŋga.

² Ci əŋki ka putə gaamə, kaa Əntaŋfə a tifyagi kaamə 'waslyakəənə gaamə. Əntaa wata 'waslyakəənə gaamə, amə daanaamə, amma da i ŋga patəne ŋga əŋji a duuniya.

³ Maa kə slənətaamə sətə bii Əntaŋfə kaamə, ci ca baarii oo'i, kə shii amə tə ci.

⁴ Taa wu patə ca ba oo'i, kə shii ci tə ci, amma maslənətəmə ci də sətə bii ci, majirakə nə tsarə ŋga əndətsa, pooshi gooŋga ashikii.

⁵ Amma, ma əndətə ca slənətə sətə bii Əntaŋfə, ci ca uudə tə Əntaŋfə tantanyinə. Də ha'ə caama shii oo'i, ləbə naamə da i ci.

⁶ Taa wu patə ca ba ləbə ka hakii da Əntaŋfə nə ci, see a ndzaa ci makə sətə nji Yeesu Aləmasiihu.

Kura wabənə agyanə uudəshinə

⁷ Kadashinyinaakya, əntaa kura wabəətə pooshi unə sha fii cii kya naahə koonə, amma iirə wabənə, waatoo, ətə shi una fii daga ka saa'itə 'watəgyuunə fa wabənə ŋga Əntaŋfə. Ma iirə wabəətsa, kə fəgyuunə.

⁸ Patə da ha'ə, ma wabəənə cii kya naahə koonə agyanəkii, tə'i kura uushi agikii. Acii ma wabəətsa, kə nee əŋji ka kura kuraanəkii agi ndzaanə ŋga Yeesu Aləmasiihu da agi ndzaanə

2:1 2.1 Rooma 8.34; Ibər. 7.25. **2:2 2.2** 4.10; Yooh. 1.29. **2:4 2.4** 1.6; 4.6; Yooh. 3.21; 8.44; 16.13. **2:5 2.5** 2.17; 5.3; Yooh. 14.15; 2 Yooh. 6. **2:6 2.6** Yooh. 13.15; 15.5. **2:7 2.7-8** 4.11; Yooh. 13.34. **2:7 2.7** 2.24; 3.11.

goonə, makə wiinə təkunə ka dzəginə, wiinə bərenə n̄ga tantanyinə əsə agi bərenə.

⁹ Taa wu patə ca ba oo'i, agi d̄a slənə n̄ga camənə nə ci, amma ca kaaree ka ndzəkən̄uci, ma əndətsa, ma'ə ci agi təkunə ca'ə əndzə'i.

¹⁰ Taa wu patə ca uudə tə ndzəkən̄uci, agi camənə nə ci. Ma ci əsa, pooshi uushi ətə ca kavə əndə ka pu'unə ashikii.

¹¹ Amma, taa wu patə kaaree ka ndzəkən̄uci, agi təkunə nə ci, agikii cii kəya wii, mashiimə ci hatə cii kəya dzə aa dəvə, acii moorəfəkii nə ci acii təkunə.

¹² Manjeevənaaki, ma cii kya naahə koonə wabəəna, acii kə tifyagi Əntan̄fə koonə 'waslyakəənə goonə putə n̄ga ləmə n̄ga Aləmasiihu.

¹³ Unə masariina, ma cii kya naahə koonə wabəəna, acii kə shii unə tə Əndətə ndzaanə daga Əntan̄fə ma'ə matagamə duuniya. Unə uuji daguyiinə əsa, ma cii kya naahə koonə wabəəna, acii kə jaalii unə agyanə *Seetanə.

¹⁴ 'Ya'ə manjeevənaakya, ma cii kya buurətə koonə wabəətsa, acii kə shii unə tə Əntan̄fə Dəsənaamə. Unə masariina, ma cii kya buurətə koonə uushi'iitsa, acii kə shii unə tə Əndətə ndzaanə daga Əntan̄fə ma'ə matagamə duuniya. Unə uuji daguyiina, ma cii kya buurətə koonə uushi'iitsa, acii kə kən̄aanuunə ndihə ndihə agi nə'unə tə Aləmasiihu, tə'i wabənə n̄ga Əntan̄fə a ədzəmuunə, kə jaalii unə agyanə Seetanə əsə.

2:8 2.8 Yooh. 1.9-10; 8.12; Rooma 13.12. **2:9 2.9** 3.10,15; 4.20.

2:10 2.10 Jab. 119.165; Rooma 14.13. **2:11 2.11** Yooh. 12.35-36.

2:12 2.12 Slənə 4.12. **2:13 2.13-14** 1.1-2.

15 Goona uudfə *duuniya, goona ka nuunə ka uushi'inə nga duuniya əsə. Taa wu ca uudfə duuniya, paa ci agi uudənə tə Dəsənaamə ətsa.

16 Ma sətə ci ən̄jə a d̄a agi duuniya, waatoo, ka d̄anə nə tii sətə ca kadeesəkə ka shishinətii, təya moo uushi'inə nga duuniya, təya duunətə natii nə putə nga uushi'inə nga duuniya ətə aciitii. Ma ətsə patə, əntaa daga Əntan̄fə Dəsənaamə shigi, amma asəkə duuniya.

17 Duuniyakii əsa, agi uudəginə, da patənə nga uushi'inə ətə ci əndə a moo asəkətə ca uudəgi. Amma, ma əndətə ca slənə sətə mwayi Əntan̄fə, tə'i ci da i əpinə nga ca'ə ndəjwə ndəjwə.

*Əndə daawaanə nga *Aləmasiihu*

18 Manjeevənaakya, kədəhə nə duuniya ka uudənə. Kə shi ən̄jə a bii koonə oo'i, kadə nə Əndə Daawaanə nga Aləmasiihu a shigi. Taa əndzə'i maa, kə shigi ən̄ji daawaanə nga Aləmasiihu lan̄ə. Də ha'ə shii amə oo'i, kədəhə nə duuniya ka uudənə.

19 Ma ən̄ji daawaatə nga Aləmasiihu, agyaamə n̄ji tii. Amma əntaa ən̄ji gaamə nga goon̄ga n̄ji tii. Aciikii dzəgi tii satii. Acii maci ən̄ji gaamə n̄ji tii nga goon̄ga, kadə pooshi tii dzəgi agyaamə. Amma dzəginatii agyaamə baarii oo'i, tantanyinə, əntaa ən̄ji gaamə nə tii.

20 Ma unə, kə vii Malaaba Əndə koonə Malaaba Ma'yanə. Də ha'ə əsə shii unə wabənə nga goon̄ga, unə patə.

2:15 2.15 Yak. 4.4. **2:16 2.16** Wab. 27.20; Rooma 13.14; Af. 2.3; Yak. 4.16. **2:17 2.17** Mat. 7.21; 1 Koor. 7.31. **2:18 2.18** 4.3; Mat. 7.15; 2 Yooh. 7. **2:19 2.19** Slənə 20.30. **2:20 2.20** 2.27.

²¹ Ma cii kya naahə koonə, əntaa acii mashi-imuunə goonġaanəkii, amma kə shii unə. Kə shii unə əsə, pooshi jirakənə ka shiginə agi goonġaanə.

²² Makə ha'ə dīya, wu dīi nə majiraka? Əndətə bii oo'i, əntaa Aləmasiihu nə Yeesu, ci nə majiraka. Əndə daawaanə nġa Aləmasiihu nə ci. Kə kaaree ci ka Dəsənaamə tii da Uuzənaakii.

²³ Acii taa wu patə kaaree ka Uuzənə nġa Əntanġfə, paa ci ləbə da Dii əsə. Amma, taa wu patə luuvə oo'i, Uuzənə nġa Əntanġfə nə Yeesu, ləbə nə ci da Dii.

²⁴ Ma wabənə nġa Əntanġfə ətə cuuna fa 'watəginə ka saa'itə waazii ənji koonə nġa təkəŋwanə, kəsəpaamə asəkə ədzəmuunə. Madə kə kəsəpaa unə uushi'iitsə fii unə daga ka 'watəginə, ka ndzaanə nuunə ləbə ka hakii da Dəsənaamə da Uuzənaakii taa guci patə.

²⁵ Tə'i sətə bii Yeesu Aləmasiihu ka viinə nə ci kaamə, waatoo, əpinə nġa ca'ə ndəŋwə ndəŋwə.

²⁶ Ma wabəətsə nyaahə nyi koonə patə, agyanə ənjitə ca dā gazhi'waanə nġa nġsləginə duunə.

²⁷ Amma, ma una, kə vii Aləmasiihu koonə Malaaba Ma'yanə. Makə a ədzəmuunə nə Malaaba Ma'yaatsa, pooshi bahə alə əndə dzəgunənə koonə ma'ə. Acii Malaaba Ma'yanəkii ca dzəgunə koonə patənə nġa uushi'inə. Ma sətə cii kəya dzəgunə koonə əsa, goonġa, pooshi jirakənə agikii. Aciiikii,

2:22 2.22 4.3; 2 Yooch. 7. **2:23 2.23** 4.15; 5.1; Yooch. 5.23; 15.23; 2 Yooch. 9. **2:24 2.24** 2.7. **2:25 2.25** Yooch. 5.24.

ndzaamə ləbə ka hakii da Yeesu makə sətə jigunyi Malaaba Ma'yanə koonə.

²⁸ Ma ənə dīi manjeevənaakya, ndzaamə ləbə ka hakii da Yeesu Aləmasiihu. Maa kə dīi unə ha'ə, pooshi ədzəmaamə ka udzənə, pooshi amə ka umbənə acii kii acii ayinə saa'itə nii kəya ənya.

²⁹ Kə shii unə, ma Yeesu Aləmasiihu, əndə gooŋga nə ci. Acii ha'ə, shiimə oo'i, taa wu patə ca slənə də gooŋgaanə, uuzənə ŋga Əntanfə nə ci.

3

Manjeevənə ŋga Əntanfə naamə

¹ Una, tsaaməmə makə sətə uu'i Əntanfə Dəsənaamə taamə! Ha'ə kə 'wii ci taamə manjeevənaakii. Weewee manjeevənaakii naamə əsə. Ma səndə dīi mashiimə ənji *duuniya taamə oo'i, manjeevənə ŋga Əntanfə naamə, acii pooshi tii shii tə Dəsənaamə.

² Kadashinyinaakya, kə uugi amə ndzaanə ka manjeevənaakii, iitə saŋə naama ndzaanə aakəŋwa? Amma, ma sətə shii amə, ma saa'itə nə Aləmasiihu a ənya, ka ndzaanə naamə makə naakii, acii ka neenə naamə ka ci paŋgəraŋə a babara.

³ Taa wu patə ca ka nəkii oo'i, ka dfanə ha'ə makə ətsa, wa ca ndzaa yadə 'waslyakəənə makə sətə ndzaa Aləmasiihu yadə 'waslyakəənə.

2:27 2.27 Irim. 31.34; Yooh. 14.16; 16.13. **2:28 2.28** 3.21; 4.17; Yooh. 5.22; 15.5. **2:29 2.29** 3.10. **3:1 3.1** 3.10; 4.6; Yooh. 1.12; 3.16. **3:2 3.2** 2 Koor. 3.18; Fil. 3.21.

⁴ Taa wu patə ca dfa 'waslyakəənə, agi tanjəginə nə ci bariya nga Əntanjə. Acii tanjəgi bariya nga Əntanjə nə dfa 'waslyakəənə.

⁵ Kə shii unə oo'i, ma shi Yeesu Aləmasiihu, kaa ca ngərəgi 'waslyakəənə gaamə. Ma ca, pooshi 'waslyakəənə ashikii.

⁶ Acii ha'ə, ma əndətə ndzaa ləbə ka hakii da ci, paa ci ka dfaada 'waslyakəənə. Amma, taa wu patə ca dfaada 'waslyakəənə, mashimə ca nee ka ci, mashiimə ci tə ci əsə.

⁷ Manjeevənaakya, goona kapaa rəgwa ka ənjə a ha'utə duunə. Acii see əndətə ca dfa slənə nga goonjaanə nə əndə goonja, makə sətə dii Aləmasiihu əndə goonja.

⁸ Ma əndətə ca ndzaa ka dfaada 'waslyakəənə, əndə nga Seetanə nə ci. Acii ma Seetanə, kə ndzaa ci ka dfaada 'waslyakəənə daga 'watəginə nga duuniya. Ma shigi *Uuzənə nga Əntanjə, kaa ca shi ka uulagi slənə nga Seetanə.

⁹ Ma əndətə ndzaa ka uuzənə nga Əntanjə, paa ci ka ndzaanə ka dfaada 'waslyakəənə, acii tə'i wabənə nga əpinə asəkə ədzəməkii. Makə dii ci Əntanjə nə Dii, paa ci da rəgwa nga dfaada 'waslyakəənə.

¹⁰ Wiinə səndə təkəe ka manjeevənə nga Əntanjə da nga Seetanə: ma əndətə pooshi ka slənə uushi nga goonja, əntaa uuzənə nga Əntanjə nə ci. Ha'ə əsə nə əndətə pooshi ka uudənə tə ndzəkənjuci.

3:5 3.5 1.7; 2.2; 4.10; Isaa. 53.9; Yooh. 1.29; 8.46; 2 Koor. 5.21; Iber. 4.15; 9.14; 1 Piita 1.19; 2.22,24; 3.18. **3:6 3.6** 3.9; 5.18; Yooh. 15.5; Rooma 6.2,14. **3:8 3.8** Mat. 12.26-29; Yooh. 8.44. **3:10 3.10** 2.9,29.

Uudəshinə

11 Ma bii nyi ha'ə, acii wiinə sətə fii unə daga ka 'watəginə saa'itə fii unə wabənə nga Əntanfə, waatoo tyasə see a uudəshaamə.

12 Gaama ndzaa makə nga Kaa'inu. Ma ca, əndə nga *Seetanə nə ci. Kə bələgi ci tə ndzəkəŋuci. Acii mi sanə bələgi ci tə ca? Acii ma slənə nga ndzəkəŋuci, ŋunyikii. Ma naakii slənə əsa, bwayakii.

13 Ndzəkəŋushi'inəkya, maɗa bərapaa ənjitə mashiimə tə Əntanfə tuunə, ga ca ɗa koonə ka sə nga hurəshishinə.

14 Ma amə kamə, kə shii amə, ma nga ŋukə, makə maməətə ənji njaamə. Amma, ma əndzə'i, ənjitə da i kura əpinə naamə. Kə shii amə ha'ə, acii agi uudənə naamə tə ndzəkəŋushi'inaamə. Ma əndətə pooshi ka uudəshinə, makə mantə əndə nə ci.

15 Ma əndətə bərapaa tə ndzəkəŋuci, mbərə mbərə nə ci da mabələ ənda. Kə shii unə, ma mabələ ənda, paa ci da i əpinə nga ca'ə ndəŋwə ndəŋwə.

16 Vəgi əpinə nga Yeesu Aləmasiihu ka putə gaamə baarii kaamə makə sətə dəbee ama uudəshi. Ha'ə naamə əsə, see a vəgyaamə əpinə gaamə ka putə nga ndzəkəŋushi'inaamə.

17 Ma əndətə pooshi ka ətee ka sə nga ki'i də haaja, ca təkuree ka nəhə təgunuunə nga

3:11 3.11 2.7-8; 4.11; Yooh. 13.34. **3:12 3.12** 'Wat. 4.8. **3:13 3.13** Yooh. 15.18. **3:14 3.14** 2.11; Yooh. 5.24; 13.35. **3:15 3.15** Mat. 5.21-22; Səniinə 21.8. **3:16 3.16** Yooh. 15.13; Gal. 1.4; Fil. 2.17; 1 Tees. 2.8.

əndətə ətée, iitə sanə banəkii oo'i, tə'i uufəshinə
 nga Əntanƣə asəkə ədzəməkəya?

¹⁸ Manjeevənaakya, makə ha'ə dīi əna, gaama
 bagi wata də ba maamə tanə oo'i, agi uufəshinə
 naamə. Amma, ma dānaama, baarii amə
 uufəshinəkii də slənə gaamə ka ənja kaa
 uufəshinəkii a ndzaanə nga gooŋga.

¹⁹ Mada kə dīi amə ha'ə, davə shiinaamə oo'i,
 ənji nga Əntanƣə naamə. Ma ca, da gooŋga nə
 ci. Də ha'ə ndzaanaamə də mabanee ma'yanə
 akəŋwaciikii,

²⁰ taa ŋgahi kə baarii shishinaamə kaamə oo'i,
 tə'i ma'inə aa haamə. Aci kə palee Əntanƣə ka
 ədzəmaamə, kə shii ci sətə caama slənə patə
 əsə.

²¹ Kadashinyinaakya, mada pooshi shishi-
 naamə vii kaamə ma'inə, ka kəŋaanənə naamə
 akəŋwacii Əntanƣə yadə ŋgwalənə.

²² Ma patənə nga sətə caama kədii aciikii, ka
 viinə nə ci kaamə, makə dīi ci agi nə'utənə
 naamə wabənaakii, ama slənə sətə kadeesəkə
 ka ci.

²³ Wiinə səndə bii Əntanƣə kaamə dānə: see a
 vii amə gooŋga ka Uuzənaakii Yeesu Aləmasiihu,
 ama uufəshi. Ha'ə bii ci kaamə.

²⁴ Ma əndətə ca nə'utə sətə bii Əntanƣə, ləbə
 nə ci ka hakii da Əntanƣə. Ha'ə nə Əntanƣə əsə,
 ləbə nə ci ka hakii da ci. Kə vii ci kaamə Malaaba
 Ma'yanaakii. Ci ca baarii kaamə furəŋə oo'i, ləbə
 ka hakii daamə nə Əntanƣə.

3:17 3.17 Dzək. 15.7. **3:18 3.18** Yak. 2.15-17. **3:21 3.21** 2.28.
3:22 3.22 Yooh. 15.16. **3:23 3.23** Yooh. 2.23; 13.34. **3:24**
3.24 4.13; Yooh. 14.16; 15.5; Rooma 8.5,9,14.

4

Rəgwatə ci ənjə a təkəe ka Ma'yanə nga Əntanjə da nga əndə daawaanə

¹ Kadashinyinaakya, mada kə fii unə kə bii əndə koonə oo'i, də baawəda nga Malaaba Ma'yanə cii kəya wabə, goona luuvə ka ci pii pii. Amma paaratəgimə nga'ə zəku'i, koonə shii mada goonğa cii kəya wabə. Aci tə'i majirakinə nga anabiinə lanə taa dama patə asəkə duuniya.

² Wiinə makə sətə nuuna mbee ka shiinə oo'i, də baawəda nga Malaaba Ma'yanə ci əndə a wabə: mada kə fii unə bii əndə oo'i, əndə shiŋkinə pwayi ənji tə Yeesu Aləmasiihu, ma əndətsa, də baawəda nga Malaaba Ma'yanə cii kəya wabə.

³ Amma, mada kə kaaree əndə ka luuvənə oo'i, əndə shiŋkinə pwayi ənji tə Yeesu, ma əndətsa, paa ci da Malaaba Ma'yanə, amma ma'yanə nga əndə daawaanə nga Aləmasiihu nəndə a ədzəməkii. Ma əndə daawaata, kə fii unə oo'i, kadə nii kəya shi. Kə uugi ci mbu'yanə əsə. Waatsə asəkə duuniya əndzə'i.

⁴ Manjeevənaakya, ma unə, manjeevənə nga Əntanjə nuunə. Kə mbee ngeerənə goonə ka nga majirakiitsa, acii ma Ma'yaatsə a ədzəmuunə, kə palee ka nga ənjitsə ca nə'u sətə ca kadeesəkə ka *duuniya.

⁵ Ma majirakinə nga anabiitsa, pooshi uushi ci təya wabə anəkii, madaamə anə uushi'inə nga

4:1 4.1 2.18; Mat. 7.15; 1 Tees. 5.21. **4:2 4.2** Yooh. 1.14; Rooma 10.9; 1 Koor. 12.3. **4:3 4.3** 2.18,22. **4:4 4.4** 5.5.

duuniya. Ənji duuniya a luuvə wabənatii, acii ɲga duuniya nə tii.

⁶ Ma amə, manjeevənə ɲga Əntaɲfə naamə. Acii ha'ə, taa wu patə shii tə Əntaɲfə, aɡi fanə nə əndəkii taamə. Ma əndətə əntaa ɲga Əntaɲfə nə ci əsə, paa ci aɡi fanə taamə. Də ha'ə mbeenaamə ka shii kama kamaanə ɲga Ma'yanə ɲga gooɲga da ma'yanə ɲga jirakənə.

Agyanə uufəshinə

⁷ Kadashinyinaakya, uufəshaamə, acii daga Əntaɲfə nə uufənə ka shinə. Ma əndətə ca uufə ənja, uuzənə ɲga Əntaɲfə nə ci. Kə shii ci tə Əntaɲfə əsə.

⁸ Taa wu nə əndə pooshi ka uufəshinə, mashiimə ci tə Əntaɲfə. Acii taa mi patə ci Əntaɲfə a da, putə ɲga uufənə.

⁹ Wiinə makə səndə baarii Əntaɲfə uufənaakii taamə furəɲə: kə sləkee ci ka Uuzənaakii rəɲwə dyaɲə aasəkə duuniya, kaama shii upaa əpinə ɲga ca'ə ndəɲwə ndəɲwə daciikii.

¹⁰ Wiinə uufənə ɲga tantanyinə: ma uufənə ɲga tantanyinə, əntaa tsarə ətə caama uufə tə Əntaɲfə, amma tsarə ətə uu'i ci taamə, ca sləkee ka Uuzənaakii, Uuzənaakii a əntəɡi kaa Əntaɲfə a tifyagi 'waslyakəənə gaamə daciikii.

¹¹ Kadashinyinaakya, makə kə uu'i Əntaɲfə taamə lanə, amə maa, uufəshaamə ha'ə.

4:5 4.5 Yooh. 3.31. **4:6 4.6** 2.4; 3.1; Yooh. 8.47; 18.37. **4:8 4.8** 4.16. **4:9 4.9-10** Yooh. 3.16. **4:10 4.10** 2.2; 3.5; Rooma 5.8,10. **4:11 4.11** 3.11; 4.21; Mat. 5.44-45; 18.33; Yooh. 13.34; 2 Yooh. 5.

¹² Pooshi ɛndɛ sha nee ka ɛntanɸɛ. Amma, maa kɛ uufɛshaamɛ, lɛbɛ ka hakii daamɛ nɛ ci. Patɛnɛ nɣa uufɛnaakii ɛsɛ, tɛ'i asɛkɛ ɛdzɛmaamɛ.

¹³ Kɛ vii ɛntanɸɛ kaamɛ Ma'yanaakii. Dɛ ci shii amɛ ndilɛ ndilɛ oo'i, lɛbɛ ka hakii naamɛ da ɛntanɸɛ. Ci boo, lɛbɛ nɛ ci daamɛ.

¹⁴ Ma ina, kɛ nee inɛ dɛ giniinɛ, ci ciina waaza ka hara ɛnji oo'i, kɛ slɛkee ɛntanɸɛ ka Uuzɛnaakii kaa ca ndzaa ka Maluu nɣa duuniya.

¹⁵ Taa wu patɛ bagi paɣɛraɣɛ oo'i, Yeesu nɛ *Uuzɛnɛ nɣa ɛntanɸɛ, lɛbɛ ka hakii nɛ ɛntanɸɛ da ɛndɛtsa. Ci boo, lɛbɛ nɛ ci da ɛntanɸɛ.

¹⁶ Kɛ shii amɛ, kɛ luuvaamɛ ɛsɛ oo'i, kɛ uu'i ɛntanɸɛ taamɛ ka shaɣɛ.

Taa mi patɛ ci ɛntanɸɛ a ɗa, putɛ nɣa uufɛnɛ. Ma ɛndɛtɛ ca ndzaanɛ dɛ uufɛshinɛ, lɛbɛ ka hakii nɛ ci da ɛntanɸɛ. ɛntanɸɛ boo, lɛbɛ ka hakii nɛ ci da ci.

¹⁷ Ci baarii oo'i, tɛ'i patɛnɛ nɣa uufɛnaakii a ɛdzɛmaamɛ; dɛ ha'ɛ naama ndzaanɛ dɛ maba-nee ma'yanɛ saa'itɛ nɛ ɛntanɸɛ a ɗa gɛɣwanɛ ka ɛnja, acii makɛ sɛtɛ ɗii Yeesu, ha'ɛ naamɛ asɛkɛ duuniyana.

¹⁸ Pooshi i nɣwalɛnɛ da uufɛnɛ ka lɛbɛnɛ ka ha rɛɣwɛ. Mada tɛ'i patɛnɛ nɣa uufɛnɛ a ɛdzɛmɛ ɛnda, ka lakɛginɛ nɛ ci nɣwalɛnɛ. See ɛndɛtɛ ca gɛra gɛɣwanɛ nɛ ndzaanɛ maɣɣwalɛkii. Acii ha'ɛ, ma maɣɣwala, pooshi patɛnɛ nɣa uufɛnɛ a ɛdzɛmɛkii.

4:12 4.12 2.5; 4.17; Yooh. 1.18. **4:13 4.13** 3.24. **4:14 4.14**
Yooh. 15.27. **4:15 4.15** 2.23. **4:16 4.16** 4.8-10; Yooh. 15.5.
4:17 4.17 2.28; 4.12.

19 Ma caama uudəshi, acii Əntaŋfə 'watəgi uudənə taamə.

20 Mada kə bii əndə'i əndə oo'i, "Kə uu'i nyi tə Əntaŋfə", amma kə kaaree ci ka ndzəkəŋuci, ma əndətsa, majirakə nə ci. Acii ma əndətə pooshi ka uudənə tə ndzəkəŋuci ətə nee ci də ginəkii, paa ci da rəgwa ŋga uudənə tə Əntaŋfə ətə paa ci nee də ginəkii.

21 Wiinə səndə bii ci kaamə dfanə: ma əndətə ca uudə tə Əntaŋfə, wa ca uudə tə ndzəkəŋuci.

5

*Jaalanə gaamə agyanə *duuniya*

1 Ma əndətə luuvə oo'i, Yeesu nə Aləmasiihu, uuzənə ŋga Əntaŋfə nə əndəkii. Mada kə uu'i əndə tə dii ənda, agi uudənə nə ci tə uuzənaakii əsə.

2 Mada agi uudənə naamə tə Əntaŋfə, ama nə'utə sətə cii kəya ba kaamə, də ha'ə caama shii oo'i, agi uudənə naamə tə manjeevənə ŋga Əntaŋfə.

3 Ma uudənə tə Əntaŋfə, ci nə nə'utənə tə sətə bii ci. Mapaleemə sətə bii ci ka ŋgeerənə gaamə də zəzəkəənə,

4 acii taa wu nə uuzənə ŋga Əntaŋfə, ka jaalanə nə ci agyanə duuniya. Ma səndə ca kavə taamə ka jaalanə, ci nə vii gooŋga gaamə ka Yeesu.

4:20 4.20 2.9. 4:21 4.21 4.11; Mat. 22.34-40. 5:1 5.1 1 Piita 1.22-23. 5:3 5.3 2.5; Dzək. 30.11; Mat. 11.30. 5:4 5.4 Yooh. 16.33.

⁵ Ma əndə jaalanə agyanə duuniya, see əndətə vii gooŋga oo'i, Yeesu nə *Uuzənə ŋga Əntaŋfə.

*Seedanə agyanə Yeesu *Aləmasiihu*

⁶ Ma Yeesu Aləmasiihu, kə shi ci aasəkə duuniya, əŋjə a dfa ka ci bapətisəma də ma'inə, əŋjə a bələgi tə ci, idənaakii a əjigi. Əntaa wata dfa ka ci bapətisəma də ma'inə, amma kə bələgi əŋji tə ci, idənaakii a əjigi. Malaaba Ma'yanə baarii kaamə ətsə oo'i, ma uushi'iitsa, gooŋga. Əndə gooŋga nə Malaaba Ma'yanə əsə.

⁷ Makkə nə seedawiinə.

⁸ Waatoo, Malaaba Ma'yanə da ma'inə ŋga bapətisəma da idənaakii ətə əjigi ci ka putə gaamə. Ma uushi'iitsə makkə, ka ma rəŋwə nə tii patə.

⁹ Madfa bii hara əŋji sətə nee tii, agi luuvənə naamə. Sakwa ŋga Əntaŋfə dfii ətə palee wabənaakii ka ŋga əŋji shiŋkinə də ŋgeerəna? Ma ca, kə wabi ci agyanə Uuzənaakii əsə.

¹⁰ Ma əndətə vii gooŋga ka Uuzənə ŋga Əntaŋfə, tə'i ci da wabəətsə a ədzəməkii. Amma, ma əndətə maluuvmə wabənə ŋga Əntaŋfə, kə zhi'wee ci ka Əntaŋfə ka majiraka, acii maluuvmə ci sətə bii ci agyanə Uuzənaakii.

¹¹ Wiinə wabənə ŋga Əntaŋfə kaamə: kə vii ci kaamə əpinə ŋga ha'ə ndəŋwə ndəŋwə. Ma əpinəkii, daciai Uuzənaakii shi kaamə.

5:5 5.5 4.4; Rooma 8.37. 5:6 5.6 Yooh. 16.13; 19.34. 5:7
5.7-9 Yooh. 5.36-37. 5:10 5.10 Rooma 8.16; Gal. 4.6. 5:11
5.11 Yooh. 3.16-18.

¹² Ma əndətə ləbə da Uzənə n̄ga Əntaŋfə, tə'i ci da əpiitsa. Amma, ma əndətə paa ci ləbə da ci, pooshi ci da əpinəkii.

Muudinə n̄ga wabənə

¹³ Ma unə ənə vii goon̄ga ka Uzənə n̄ga Əntaŋfə, ma cii kya naahə koonə uushi'iitsa, koonə shii oo'i, tə'i unə da əpinə n̄ga ca'ə ndəŋwə ndəŋwə.

¹⁴ Wiinə sətə ca vii kaamə mabanee ma'yanə akəŋwacii Əntaŋfə: taa mi kədii amə aciikii, mada ma sətə kədii amə aciikii, kə kadeesəkə ka ci, ka luuvənə nə ci kaamə.

¹⁵ Makə kə shii amə oo'i, taa mi patə kədii amə aciikii, aŋi luuvənə nə ci kaamə, kə shii amə əsə, aŋi viinə nə ci kaamə sətə kədii amə aciikii.

¹⁶ Mada kə nee əndə'i əndə ka ndzəkəŋuci ca ɗa 'waslyakəənə, wa ca kədii acii Əntaŋfə ka putə n̄ga əndətsa, mada pooshi 'waslyakəənəkii mbu'i bahə təkuree ka upaa əpinə n̄ga ca'ə ndəŋwə ndəŋwə. Ka viinə nə Əntaŋfə ka ci əpinəkii. Waatoo, ka əndətə d̄ii 'waslyakəənə ətə pooshi mbu'i bahə təkuree ka upaa əpinə n̄ga ca'ə ndəŋwə ndəŋwə. Amma, tə'i 'waslyakəənə ətə ca kavə əndə ka təkuree ka upaa əpinəkii. Mabamə nyi koonə: ɗamə də'wa aŋyanə tsarəkii.

¹⁷ Kala məza slənə patə, 'waslyakəənə. Amma, tə'i harii tsarə n̄ga 'waslyakəənə ətə pooshi mbu'i bahə təkuree ka upaa əpinə n̄ga ca'ə ndəŋwə ndəŋwə.

¹⁸ Kə shii amə oo'i, ma əndətə ndzaa ka uuzənə nga Əntaŋfə, paa ci ka ndzaanə ka dfaada 'waslyakəənə, acii agi nəhənə nə Uuzənə nga Əntaŋfə tə ci. Acii ha'ə pooshi *Seetanə ka ureenə ka ci. *

¹⁹ Kə shii amə oo'i, manjeevənə nga Əntaŋfə naamə. Patənə nga ənjitə mashiimə tə Əntaŋfə, acii Seetanə nə tii.

²⁰ Kə shii amə oo'i, kə shi Uuzənə nga Əntaŋfə, ca vii kaamə hankala nga shiinə tə Əntaŋfə əndə gooŋga. Ma amə, ləbə naamə da ci daciai Uuzənaakii Yeesu Aləmasiihu. Ci nə Əntaŋfə əndə gooŋga. Daciaikii shi əpinə nga ca'ə ndəŋwə ndəŋwə.

²¹ 'Ya'ə manjeevənaakya, goona paslə tə uushi'iitə əntaa Əntaŋfə nga gooŋga.

* **5:18 5.18** 3.6,9-10; Seetanə: Yooh. 17.15; 2 Tees. 3.3. **5:19 5.19** Yooh. 12.31; Gal. 1.4. **5:20 5.20** Yooh. 1.14,18; 11.25; 17.3; 20.28.

Gude: Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament

copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2025-05-02

PDF generated using Haiola and XeLaTeX on 2 May 2025 from source files
dated 2 May 2025

56396c70-45d3-5118-be46-8c4c3fec34f1